




Sanja Trešnjo, Goran Lakić, Edina Beba, Amir Islamović i Denis Jamak

LOK odabrao najbolje

Odabir najboljih izvršen je u pet različitih kategorija, a prvi po rezultatima u toku prošle godine bili su: Edina Beba, Denis Jamak, Sanja Trešnjo, Amir Islamović i Goran Lakić

Management LOK mikrokreditne fondacije je i ove godine organizovao svečanu ceremoniju dodjele priznanja i nagrada najuspješnijim službenicima LOK MKF za 2008. godinu. Odabir najboljih izvršen je u pet različitih kategorija, a prvi po rezultatima u toku prošle godine bili su: Edina Beba, kao kreditni službenik, Denis Jamak, regionalni rukovodioc, Sanja Trešnjo, kreditni službenik s najboljim procentom naplate, dok je Amir Islamović iskazao najveći stepen aktivnosti u širenju



Goran Lakić i Almedina Esko Čaušević

kreditnih operacija, a Goran Lakić imao je najveći stepen poslovne etike i lojalnosti. Posebna priznanja je uručila Almedina Esko-Čaušević, izvršna direktorica za ljudske resurse LOK MKF koja je ovom prilikom istakla:

“Pet zaposlenika koje smo nagradili su svojim trudom i zalaganjem učinili sve nas ponosnim. Inače, 310 zaposlenika su pokretačka snaga koja upravlja portfoliom većim od 130 miliona KM i zbog kojih smo danas jedna od vodećih mikrokreditnih fondacija u BiH.”

Hyundai Best Bet u SAD-u

Na tržištu SAD-a, najzahvalnijem kad su automobili u pitanju, Hyundai nastavlja sa osvajanjem vrijednih priznanja. Nakon najvećeg za Hyundai na tržištu SAD-a u historiji,

a radi se o priznanju za Hyundai Genesis - automobil godine u Sjevernoj Americi 2009., četiri Hyundai modela proglašena su kao Best Bet vozila prema Car Booku 2009.

Hyundai modeli Genesis, Accent, Tucson i Entourage u svojim kategorijama postigli su najbolje rezultate po pitanju performansi i sigurnosti. Prema Car Booku, nagrada se odnosi na zadovoljstvo kupaca, odnosno, na stepen zadovoljstva kupljenim automobilom. Uz sigurnost i performanse, opsežna testiranja podrazumijevaju i ocjene po pitanju udara i prevrtanja, troškova održavanja i popravke, kao i garancije i ekonomičnosti.




Počela pustinjaška avantura



Senad Švraka, Adnan Sejfić i Armin Muratović na Asilah plaži

Tuzlanski je fotograf, snimatelj i moreplovac, Senad Švraka, poznatiji kao Barba, o kojem smo pisali u prošlom broju Maxija, zamijenio jedrilicu za kamilu i sada je sa svojom malom ekipom na putu po Sahari, koje će trajati šest sedmica. Maxi je medijski partner ovog nesevakidašnjeg podviga, pa već u ovom broju imamo prvo Barbino javljanje. Nakon ugodne plovidbe trajektom od Barcelone do Tangera, već su stupili na afričko tlo, baš kako je i planirao. Proveli su mirnu noć u kempingu Miramonte



Na samom početku šestosedmičnog putovanja, u čuvenom Tangeru



Iz Tangera, na ulazu u tvrđavu

i sutradan obišli Tanger, ali se nisu predugo zadržavali. Njihov cilj je da u što kraćem roku stignu što dalje na jug, pa su već drugi dan, nakon posjete Herkulovoj pećini i rtu Spartel, koji razdvaja Mediteran od Atlantika, nastavili put do mjesta Asilah. Prvi dojmovi koje je na njih ostavio Maroko su pozitivni. Dakle, pustinjaška avantura je počela, a Maxi će redovno izvještavati o Barbinim avanturama.